

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

**Meditationum evangelicarum pars tertia, hoc est:
Tractatio evangeliorum tam dominicalium, quam
festivalium, ad recte se sub variis tentationum generibus
gerendum, disposita**

Creide, Hartmann

Francofurti ad Moenum, 1682

Exordium

[urn:nbn:de:bsz:31-126133](#)

Qui igitur vita æterna potiri cupit,
corde & ore confiteatur: Credo resurrec-
tionem carnis & vitam æternam. Moses
enim & Elias , ceu Candidati æternitatis,
testantur de vita beata, eaque æterna. Di-
xes vero epolo de æterna infelici vita &
tormentis, dum exclamat: Crucior in hac
flamma, Lue. 16. v. 24.

III. Sermonem Christi capitulo. Sic enim
Pater cœlestis: Hic est Filius meus dilectus
in quo mihi complacui , hunc audite. Quo
ipso Filium suum toti mundo tanquam u-
niversalem Doctorem commendat, ut ei
obediamus, Deut. 18. v. 15.

Audite igitur eum, eique obedite, omnes
homines, quando ait: Quiescite agere per-
verse, dixite bene facere, Esa. 1. v. 16.

Audite eum omnes, qui laboratis, & o-
nerati estis: & venite, ut vos reficiat, Matt.
31. v. 28.

Audite & obedite verbo ejus, quia sal-
vare potest animas vestras, Jac. 1. v. 21.

Audite & obedite ei, quando de cruce

prædicat, aijens: Tollite jugum meum super
vos, & discite à me, Matt. 11. vers. 9.

Postquam vero Servator præsentiam
visibilem subtraxit nobis, & in cœlum ad-
scendit, & verbi Præcones loco suo ordina-
vit, ut verbum prædicerent, Marc. 16. v. 25. il-
los non aliter, ac si ipse præfens foret, audi-
amus. Qui enim vos audit, me audit, ait ipse
Luc. 10. v. 16.

Joatham Sichemitas allocuturus, ste-
tit in vertice montis Garitim , elevataque
voce clamavit, & dixit: Audite me, Opti-
mates Sichem, ita, ut audiat vos Dominus,
Jud. 4. v. 7.

Similiter si & vos Christum, ejusque Mi-
nistros audieritis, vos vicissim , quando ad
eum clamabitis , audier , vosque ut obse-
quentes quiculas , quæ vocem ejus audie-
runt eumque sequuti sunt, Joh. 10. v. 27. ad
se suscipiet, ut eum in vitam æternam se-
quamini, & ad facie ad faciem intueamini,
1. Cor. 13. v. 12.

Id quod JESUS nobis largiatur ,
Amen !

DOMINICA SEPTUAGESIMÆ.

Evangelium Matth. 20. v. 1. - 16.

EXORDIUM.

Fuit olim Naboth Israëlitæ vinea,
juxta palatium Achab Regis Samariæ. Hanc expedit sibi Achab per-
mutandam in hortum olerum, quia

vicina erat & prope domum ejus. Quia
vero Naboth id tenuit facere, Jezebel uxor
Regis produxit adversus eum duos viros
fallum testimonium dicentes: Benedixit
Deum

Deum & Regem, quam ob rem eduxerunt eum extra civitatem, & lapidibus interfecerunt, 1. Reg. 21. v. 1.

Hac in parte Naboth typus Christi fuit. Naboth enim idem est ac ὁ ἵερος οὐρανοῦ, quo nomine Servator noster saepius appellatur. Imprimis vero Baptista discipulos suos instruit, ut querant Dominum: Tu es ὁ ἵερος οὐρανοῦ, an alium expectemus? Matth. 11. v. 3.

Vineae notat Ecclesiam quæ & in veteri & novo Testamento vineæ confertur, imprimis vero Isa. 5. v. 2. Psal. 80. v. 9. Cant. 1. 2. 6. 7. cap. & alibi passim, quòd & parabola hodierni Evangelii referri potest.

Sicut igitur Naboth vineam suam non luit permutare, ut hortus olerum fieret, quia eam hæreditario à parentibus suis accepérat: Sic & cœlestis Naboth, Servator noster pientissimus justo vineæ suæ zelo percitus, concedere noluit, ut in hortum olerum mutaretur, h. e. Pharisaicis traditionibus & falsâ doctrinâ corrumperetur, quia eum Pater ejus cœlestis planaverat, Psal. 80. v. 9. cique hæreditatem & possessionem dederat, Psal. 2. v. 8. Omnis enim, inquit, plantatio, quam non plantavit Pater meus cœlestis, eradicabitur, Matth. 15. v. 13. propterea saepè cum Scribis & Phariseis conflictatus est, donec tandem, non quidem ut Naboth lapidibus obrutus, sed occisus, & in ligno suspensus est, Act. 10. v. 39.

Attamen inter Naboth & Christum hoc discriminē occurrit, quod ille vitam cum vineâ amiserit: Christus vero tertio die resurgens, vineam suam adversus Diabolum & satellites ejus defendit, & defensurus est, ne eripiatur ei in æternum.

Hoc fine adhuc hodie exit cum primo diluculo, in seram usque noctem, ad conducendum operarios, qui eam colere tenentur, ne sylvescat, sed uvas ferat, hic in tempore gratiæ, fidem, caritatem, spem, & alios fructus Spiritus, Gal. 5. vers. 22. ibi vero æternum gaudium & salutem: Ubi non amplius bibemus de genimine vitis, Matth. 26. v. 29. sed de fluvio puro aqua vivæ splendido, tanquam crystallo, procedente de sede Dei & agni, Apoc. 22. v. 1. jubilantes præ exultatione cordis in æternum, Isa. 65. v. 14.

Videbimus nunc

- I. Triplicem Querelam.
- II. Triplicem Medelam.
- III. Triplicem Cautelam.

J. J.

Exegesis.

Qui vineas possidere, iisq; cum emolumento frui vult, nulli labore, nec operæ parcat, sed tempestivâ culturâ omnia adornet, necesse est, alias fieri amar, quod Salomo dicit: Per agrum hominis pigritransivi, & per vineam stulti: & ecce, torum repleverant urticæ, & operuerant superficiem ejus spinæ, Prov. 24. v. 30. 31.

Id probè perspexit Paterfamilias hic in prælectâ Pericope, de quo Christus ait, quod primo manè, deinde circâ horam teriam, post circa horam sextam & nonam, quin & circâ undecimam exierit, conducere operarios in vineam suam, ne quid negligeretur, sed omnia tempestivè efficerentur: sicut & operarii haud inviti in vineam abeunt, ad mandata Paterfamilias exantlanda.